



The Ohio State University



3 2435 00731 5468
PL248K48S321914 001

Sadiye :


OHIO STATE UNIVERSITY BOOK DEPOSITOR



8 04 22 01 7 18 024



OHIO STATE
UNIVERSITY
LIBRARIES



محرری

قریمی : سودی سلیمانوف

برنجی طبعی

A NOTE TO THE READER:

Because of its value and condition,
this volume has been microfilmed to
preserve its content.

Please check the Libraries' catalog
for location of a copy of that
microform.

Thank you, 8/27/1993
DG
The Preservation Office

PL 248
K48532
1914





سعدیه

— ۱ —

بویله هوادده
صاحب امتیازك
دیریتیسنی دیکلیه جك
دكاز آ!.. هر کون
غزته نك ایکی، اوچ
ستوننی دولیرمغه



محکوم اولان رمزی بك؛ هم سیوری صقالنی - وزه لتیور،
همده هیئت تحریریه اوداسنك ایچنده دوشونارك دولاشیوردی.

کیرلی جاملرک آرقه سندن باکر برهوا بوتون شعثه صافیتیه
 نشر نور و حیات ایدرکن مشغولیتسز ، جان صیقینتیسسی ایچنده
 بوکیرلی اودانک ، سیغاره دومانیه مشبوع محیطنده اوتورمق
 طبعی بویوک براحققلدی . رمزی سورینک جوانی آله مینجه
 ماصه اوزرینه اکیلمش ایکی محرره باغیردی :

— سزه سویلیورم ، اگر ایشیکز یوقسه چیقلم ؛ برآز
 حیاته قاریشهلم بویله مزار کبی یرده ئولولر کبی یاشامق عادتا
 آبداللق ..

صاری بیقلی مترجم شادی بک دیدی که :

— بن تانی ، ماتنی بکله یورم ، برده صاحب امتیازدن
 پاره آله جغم ، بریارم یوق .. طبعی معذورم . فقط رضا
 وظیفه سنی چوقدن بتیردی .

رضا — خایر بیتیرمه دم ، برقولون یازی دهها یازدجغم ،
 مخبرک یاریلرینی تمیزه چکیورم ، حریف یازی یازمیور ، عادتا
 رمل آتیور ..

رمزی ؛ ماوی مرکبلره بولاشیق پارمققرینک آره سینه
 برسیغاره آلدی ، و ممنون برطورله تکرار ماصه نک اوستنه
 اکیلهرک اوزون کاغدلری قارالایان رضایه :

— پکی رضا ! دیدی .. سنی بکلرم ، بوکون بریره

کیتمز سہم چیلدیرہ جغم .. کلاہ جکسک یا ..

اوتہ کی جواب ویردی :

— نرہیہ ؟ .. سرکہ جی پیرا خانہ لرینہ کیدہ جکسہک بندن

پایدوس ..

— یوق افندم .. برپارچہ قیر هواسی آلہم ؛ حیدر

پاشا ، مقری کوی ، نرہسی اولورسہ اولسون .. کیجہدہ

پاریزیانایہ ..

رضا النده کی یازیلری بردہا کوزدن کچیرہ رک :

— ایشته بونلر بیتدی ، شیمدی نرہیہ کیدہ جکمز

دوشونہلم . (مترجم شادیہ) معلومیا رمزینک قولتوغنک

آلتندہ کیدہ جکمز ، بندہ سنک کبییم ..

شادی — اویاہ ایسہ بک اوغلنہ ، تی شانہ ، یاخود

تقسیم باغچہ سنہ ..

رمزی ، مضطرب برچہرہ ایلہ :

— بک اوغلنہ می ؟ اللہ کوسترمہ سین ، اوراسی کیجہیہ

مطلقا برقید اولسہ دیورم ..

شادی — اکر بنی دیکلرسہ کز تپہیہ کیدیکنز ؛ ہم

استفادہ ہوائیہ ، ہم استفادہ نسائیہ ..

رمزی ایلہ رضا اللرینی چیرپدیلر ، تپہیہ کیدیکنز قرار

ویریلدی ، ایکی ارقداش بریسی صقاللی ، دیکری کنج ،
تام برلوحه تضاد تشکیل ایتدکاری حالده باب عالی جاده سنده
کوپری یه دوغرد یوردیلر .

بهار ؛ بوتون نزاھت نوجوانیسیله استانبوله حیات وضیا
باغیریور ، کهنه یزانس یورغون سینه سنی صانکه مؤکله بهاره
آچور ، ساردن صفوت ، زندگی دیله نیوردی ..

تپه باشندن قالدیریملری صارصه ، صارصه یورون آرابه
یورویهن آدم لرله ، لاغر بیکیرلرک سوروکلهدیکی تراموای
ایله استهزا ایدیور کیدی .

رمزی ، متصل رضایه آ کلاتیوردی :

— بیلورمیسک نه قدر ائی ایتدک ! بن ایکی سنه وارکه
کاغذخانه یه ، تپه یه کیتمه مشدم ؛ باری غلبه لق اولیورمی ؟
رضا — کوره جکسک یا ! همده طبقه مستثنا .. برجهدن
دها منفعتلی ؛ عاشقانه سرگذشت طوپلامق ایسته ینلره عادت
حزینه ..

— وای جاننه .. بنده بکقوزک قلاسیک چایرنده عمر
چوروتورمده ، بویله یرلرده دولاشام ..

عربه تقسيمه کليشدى ، باغچه يه کيرنلر ، عربهلرله
 کچنلر ، يورغانجى جهتنه صاپانلر پک چوقدى ، هله هانكى
 صنفه منسوب اولدقلى بول ، بول سوردکلى بويالرله ،
 بويوک شاپقه لر ينک طرز وشکلندن ، دوداقلرينک ساخته
 تبسملرندن آ کلاشيلان اوج قوقوت ؛ صوکره اونلرک
 آرابه سنى تعقيب ايدن آرابه ده ايکي کنج ده صوکره جانخراش
 برفرياد ايله قوشان و بنزين قوقولرى پوسکورن براوتوموبيل
 بويوک جاده نك مناظرينى بوسبوتون تشويش ايدىوردى ..
 رضا بردنبره رمزى يه ديدى که :

— غانتلرينى طاقسه ک ائى ايدرسک ، چونکه اللرينک
 مور لکه لرى بنى بيايه ايکرنديرييور !
 — آيول ! سن چوجقميسک .. پارماقلريمده کى لکه لر
 بنم مدار افتخارم ، قادين پرلانتيله کردانلغيله ، کوزل
 يوزوکلريله ناصل خلقه قارشى کندينى کوستيرسه ، بومور
 بويالرده بنچه اونلر قدر قيمتداردر ...

— تحف فکر ! هاباق خاطر يمه کلدى ، بز [...] ده
 چاليشيرکن مدح ده يازى يازمايه يلته نيردى ، هرکون [چوق
 چاليشيورم] ديه کندينى کوسترمک يچين اللرينه مرکب
 سورردى .

— بنی ده اوکامی بکزه تیورسک ؟

— یوق رمزی ! اونکله سنک آره کده ..

لاقیردی اکمال اولنه مدی ، چونکه یانلرندن کچن کوزل
فایطونک ایچنده کی سیاه قره پ دوشین چارشافلی ایکیسنی ده
مبهوت براقدی ، آرابه لر صانکه بربريله تماس ایدر : -
کیدیوردی ؛ رضایاواش بر صدا ایله :

— رمزی ! دیدی .. بک بونی طانیورم ، فقط نره دن ..

رمزی بوغولورکی برسسله میریلداندی :

— طانیورمیسک .. لکن نه حسن ، ظریف سیما ...

— وای بو قدر خوشکه می کیتدی ... دور جانم !

اسمنی خاطر لایه میورم که فقط سرگذشتی ، سرگذشتلی ...

— سرگذشتلیمی ؟ . اووو .. دیسهک نه ...

شیشلی نک بویوک آپارتمانلری آره سنده یورون ایکی

آرابه عادتاً بر انسیت پیدا ایتش کی یورویورلردی ؛ رمزی

سیاسنی پچه سنک مسامحه کار اینجه لکیله اورتهرک ، فایطونک

کوروکلی آرقه سنه کیزله نن بو نازنینی کورمک ایچین یرنده

دورامایوردی ...

رضا ؛ صقاللی محررک بو ارزوی عجولنی بر آز تسکین

ایده بیلیمک مقصدیله :

--- جانم .. نه قیپردانوب دوریورسك ؟ شیمدی غازینو
لری كچه جاك دكلی یز.. ملاقاته دعوت ایدهرز، كوروشورز..
بوسفر رمزی بوسپوتون مسرورانہ باغیردی :

— نه یاپا ز ؟ ملاقاته می دعوت ایدرز ؟ .

— شهبه سز ! چونكه رد ایتیه جكنه امینم .. هاه .. اصل
اسمنی ده بولدم .. شهوار .. فقط بونی قوللانمایورده سعديه
نام مستعاریه كندینی طانیطور ...

رمزی : برآز مستریح آرابه نك آرقه سنه دایاندی ؛
دوداقلرینك آره سنده :

« شیمدی هجرانكه سینهمده تحمل یوقكه :

« قدرتم اولسه اكر ایلر ایدم روحی تباہ

« بوقدر اوزمه ، یتر ! دفتر اعماله یاز

« كوزه لم طومبول الكله ینه برطاتلی كناه »

بیتلرینی میریلداندی ، سیاسنده اسکی خاطره لرك یاديله

اشمئزازلر پیدا اولدی ؛ درین ، درین نفس آلدی ..

رضا : آرابه جیه متصل تعلیمات ویریوردی :

— آرقه سنی هیچ براقیه جقسك ! نرده دورورسه

سنده اوراده دور .. اكر بن (هایدی) دیرسه م عادتا

برقاریش قدر یاقلاش ..

آرابه جي جواب موافقت ويرهرك ، متصل بيڪيرلى
قامچيلايور ، دونكى ياغمورك صولادينى شوسهلرده ايزلر پيدا
ايدهررك اوكدەكى شكار نازينى تعقيب ايدىيوردى .

قتولىك قبرستانى اوكنده تپهيه دوغرو ايلريلين آرابهلر
واردى ، ايكي طرفدهكى بيراخانهلرده زورنا و دومبلك سسلرى ،
غراموفونك فالصولى وبوغوق ترانهلرى دويوليوردى .

رمى دالديغى خواب خوليدان بردنبره اويانهرق :

— رضا! . ديدى . صوكره تعقيبمىز بر محبوبيتله نتيجه لنمه سنه .

— سويلديكك سوزه باق ... بال آله جق چيچكه

ياقلاشيركن اطرافدهكى ديكنلرى حسابه قاتمايان آرى ، آبدال
بر آريدن باشقه برشى دكلدر ؛ باخصوص بوقادين .. ارباب
قلمه ، منتسبين ادبه قارشى عادتا پرستش ايدرمش ؛
سارلرينه قارشى كوسترديكى نوازشلى تبسملركى ساخته
ورياكار تبسملرله سن وبى قارشىلامازمش ؛ بيانوسنك
نغمات طنينداريه جاهل قولاكلره اسماع ايدهمديكى الحان
سوداسنى آشنائى حسيات اولانلره افهام ايدهبيله چكى ايچين
دها زياده خواهشكردر ... بو اويله برقادين كه : بو محيطه
شاشيرمش برقىرلانغچ كى دوشمشدر ..

— فنا .. فنا .. بو بنم ايچين آيى نتيجهلر حاصل ايميه .

جك

— اوو ! دها شيمديدنمى ياقالاندك ؟ وای ضعيف
قلبلى محرر ... بر نيم نظره سنى نه چابوق اويانديردي ، يا -
كورشهك ؟

— اوزمان بلكه چيلديريرم ..

— چيلديرمازسك ، عقلانيرسك ..

آرتق قارشيدن تپه نك آهنگ خروشانى كوزه چارپيوردى ،
آبدە ئولنلارك تضرعاتنى سياه يوكسه لتمك ايسته ين بر واسطه
تياز طوريله ، بويوك برشهادت پارماغى منظره سى كوسترييور ،
هر طرفده بر بهار رايحه سى ، بر بهار كنجلكى كورنيور ،
هر آرابه بويوموشاق طوپراقلى اوزرندن اوچهرق بر عشق
موعود محيطنه ، برسینه غرامه دغرو قوشيوردي ..

اوكدەكى آرابه آبدەنك ياننده كى يولدن كاغد خانه يه
دوغرو صايدى ، رضاينه حايقيردى :

— كورييورسك يا ! موفقيت ، سنى تبريك ايدرم ..

بختك چوق ائى ..

رمزى هيچ برشى آكلامايانلره مخصوص طوريله

صوردي :

— موفقيتىمى ؟ نروده ؟ ناصل ..

— ناصل اوله جق .. تعقیبک فرقه و اردی ، کاغدخانه یه
 دوغرو کیدیور ، تنها بریرده تعقیبک اسبابی صوره جق ..
 -- ظن ایتم ! دها ایلك هجوده غالییت اوپله می ؟
 — اوده بر متاع دکل یا ! ..
 — اوافق بر کاغد یازوب آرابه سنه فیرلاتهق ، ناصل
 اولور ...

.. چوق آی .. اوپله ایسه قلمکی چیقار ..
 رمزی قلمنی چیقاردی ، کوچوک قارتنک آرقه سنه
 یازدی :

« بش دقیقه لق بر ملاقاتک قبول اولنه جنی بیلسه م اوقدر
 » مسعود اوله جغم که ...

رضایه کوستردی ، رضا اوقویه رق :

— کافی ! دیدی و آرابه جی یه اوکدن کیدن آرابه یه
 یاقینلاشما سی ایچین امر ویردی ، بیکیرلر قیرباج آلتنده
 دیزکینلری کردیلر ، ایکی آرابه آرمه سنده پک آز بر مسافه
 قالدی ، بر آز صکره تکرلرلر بر برینه تماس ایده جک حاله
 کلشیدی . رمزی عجول بر طورله قارتی قادینک آرابه سنه
 فیرلاتدی و کری چکیلدی ؛ بو اون ثانیه لک زمان ایچنده
 اوزون کیریپکلی کوزلرک رعود استغناسنه معروض قالدی ،

وبلا اختیار :

— آمان رضا ! دیدی ... بن پك فنا طوتوشدم .

— ضرر يوق .. فقط امید ایتزدم که بر تصادف سنی

بو قدر خیرپالاسین ؟ عشقه استهزا ایدن محرم ! نه جابوق
بنلککی باشقه بر پنجهیه ویردک ؟.

ایکیسی ده قونوشیورلرکن نظرلری سعديهنك آرابهسنه
مرکوز ایدی ؛ رضا ، ارقداشك عشق آنیسیله مستهزی ،
بر قیزی اوکنده کی سیماي عشوه کارك بر اشارتنه ، برحرکتنه
منتظر دی ..

آرتق کاغدخانهك اوزون وديك يقوشنی بیتیریورلردی
اوکده کی آرابه بردنبره دوردی ، یازیجیلرک آرابهسی ده اوکا
امثالده تردد ایتدی .. بو ائاده آرابهك کوروکی آره سندن
مطر نیم عریان بر باش چیقدی ..

کندیسنه پك یقین اولان یازیجیلره دوغرو :

— سؤالکیزه پکی دیه جکم ؛ فقط ملاقاتمز بش دقیقه دن

فضله اولماز ظن ایدرم ..

رضا: رمزی بی قولیله دورتیور و متصل :

— هایدی اینسهك آ ! بوندن بویوک برفرست بولامازسك .

دیئوردی ، رمزی آرابه دن ایندی ، آرتق بوتون

محبوبیتنی اونوتمش ، آنی بر جرأته بو طانیدی قادینك
حضور حسنه چیقمشدی :

— بیلورمیسکز ! دیدی . بنی نهقد مسرور ایتدیکز ؛
اگر استرحام رد ایدیلسهیدی ، رد ایتسهیدیکز پك بویوك
بر عذاب ایچنده قاله جقدم .

سعدیه ، آرابه نك یاصدیغنه دایانمش ، نیم مستهزی نظرلریله
اونی دیکله یور ، رمزی النی کوروکک بر طرفنه دایامش ،
متصل سویله مک حسلریله اوغراشیوردی ؛ قادین ؛ بو ایلک
سوزلری بی ریا وقوتلی بولمش اوللی که بر آزده دوغرولری :
— جاریه کزه بویوك بر توجه : بویله بر توجهه !
نائلیتمدن دولای بن سزدن دها زیاده مسعودم ..

رمزی ؛ سعدیه نك صفوت بیانندن متأثر اولمیشدی ،
بو تأثری پك زیاده اظهار ایتدیکی حالدہ دیدی که :

— فقط پك تحف بر موقعه یز ؛ داغ باشنده ، صوکره
کورولمک تهلکه لری ...

قادین بو احترازی بی معنا بولمش کبی بر تبسمه :
— اگر ! دیدی .. بر مانع اولماسهیدی ، کوزل سوزلریکزی
دیکله مک ایچین بوتون کیجه می سزه حصر ایدردم و مقابلندم
سزه عودیمی ده دیکلتیردم .

رمزی شاشیردی ، مسترحمانه :

— دیمات بو کیجه ایچین ...

— مع التأسف مانم وار بر رفیقهمله بولوشه جغم ، سزك

کبی بر ادیب محترمی رفیقهمه ترجیح ایتک لازمکلیردی ، فقط
اونک او ندر جسبحاللری وار که ...

— پکی ! یا سزی نه زمان کوره بیله جکم ؟ . بو کا اوقدر

محتاجم که ...

قادین عشوه بازانه بر استهزا ایله رمزینک سوزینی کسدی :

— دوریکز باقام .. دهاایک سلامز ستملرله چمه سین .

— ستم دکل ، عذاب افتراقکزک نه قدر اوزایه جغنی

صورمق ..

قادین بر آز دوشوندی ، آدیوننک دوکه لرینی آچوب

قاپایوردی ، نهایت دیدی که :

— پکی او یله ایسه بو کون جمعه دکل ی ؟ بازار ایرتسی

کونی ...

— پک اوزون ..

— پک اعلا .. یارین ..

— نروده ؟

— مولاتیهدده بکلر سکز ... تام اوکله زمانی ..

— پکی تشکر ایدرم .. آییر یلقغمه مساعدده ایده جکسکنر

دکلی ؟

— ینه کوروشمک اوزره ...

سعدیه نك آرابه سی کاغد خانه یه دوغرو یوللاندى ،
رمزی آرابه سنه دوندیکی زمان رضاونی پك آلاچی برتسمله
قارشیلادی ووردی :

— ناصل موفقیتمی ؟

— ظن ایدرم ، اکر آلداتمادیسه ...

— نیجین آلداته جق ؟ ارباب قلمه قارشى مفتونیت عمیقه
بسله ین بو قادین سکا بلکه شعرلرینی اوقوته جقدر !

— شعرده می یازیور ؟

— اويله ایشتم ؛ بن بونك حیاته اوزاقدن او قدر

واقفم که ...

ا کر بنم قله اوپاترام اولماسهیدی سنکله رقابته بیله
کیریشیردم ...

— قله اوپارتراسنك اولدقجه بن رقابتدن قورتیلیورم

دکلی ؟ ..

محررلرک آرابه سی کری دوندی ، تپه یه دوغرو یوکسه لدی
آقشام یاقلاشمش ، کونشک غربه دوغرو میل ایدن

وجود زرینی تول شکلنده سحابپاره لر اورتمیشدی ؛ بهار
 آقشاملرینک اثری لطافتی تپه نك آهنگ عشق و حسنی
 "تویج ایدیور ، متمادی برج دیاتله آقان آرابه لر ، اوتوموبیللرده
 صیریتان باشلر ، قوپه لرك طرفنده برهیکل ظلمت کبی صومورتان
 حرم آغلری ، یالیزیلی فایطونلرك آرقه سنه برغرور متعظمانه
 ایله قورولان کبارزاده لر بومناظری برقات دها قاریشدریوردی .
 رضا برصمت مبهم ایچنده اویویان رفیقنه دیدی که :

— رمزی ! نه یاپه جغز ، دونه لم می ؟

اوته کی بر رؤیا دن اویانیرکی جواب ویردی :

— خایر ! شوراده کی بیراخانه ده برقاق دانه آته لم ،

صوکره بك اوغلنه دونه رز .

— کیجه کویه کیتیمیه جکسک ؟ .

— خایر ! بك اوغلنده قالیرز ، پاریز یانایه کیدرز ،

صوکره البته بارینه جق بریر بولنور ؛

آرابه جی نکتار بیراخانه سنک اوکندی دوردی ؛ ایکی

رفیق پیاسه جاده سنه ناظر بر ماصه یه یرلشدیلر ..

بیرا قدح لری بربرینی تعقیب ایدرکن رمزی ، « توفیق


فکرت » ك (تصادفی) اوقویوردی :



« نیچون اوچهره بنی کورمکه تیتهدم بردن ،
 « اودیدهلرده نیچون کیزلی برنگاه آرادم ؟
 « دکل غرام هوسپورانه معتادم ،
 « نیچون او کوزلره دقتله باقندم اویله ایکن ؟ .. »

کونش ؛ استانبول داغلرینک اوزرندن رکوعه واردی ،
 اسمز برتول بوتون محیطاتی اورتدی ؛ صوک قالان آراپلر
 هوس و امید ایه مشبوع ؛ عشق ووصلتله محتزج برحالده
 ملاقات کوشه لرینه قوشیورلردی ..





ایرتسی کون رضا ایله رمزی توماده سود ایچیورلر ؟
رضا ، آرقداشنه صوریوردی :

— دیمك بوکون اداردیه کلیه جکسك ؟ .

— طبیعی .. سوز ویردم ..

— یازیلر نه اوله جق ؟ .. صاحب امتیاز قیامت-لری

قوپاریر ..

— قوپارسین .. (رضایه برآناختار اوزاته رق) بنم

چکمیجه نك ایچنده اوچ دوت مقاله حاضر .. بریسنی آیر ،

مرتبه ویر .. اوندن سوکره برلاقیردی سویله یه حق قالماز

ظن ایدرم ..

— پکی ! .

— ایکنجی رجام ، کتابچی رشدی یه اوغرادسک ، بنم
تصحیح لرم وار ، اونلرده باقیویرده فورمه کجیکمه سین ..

— پکی بونلری ده یاپارم .. او آره یه نه وقت کله جکسک ؟ .
— یاریں .. هر حالده یاریں ..

— یا باشنی اویقودن قالدیره مازسه ک ...

رضا سوزینی سویلر کن - حیف ، حیف کولومسه یوردی ،
اوتەکی ده بونک فرقنده اولدی و بومستهزی شقایه قارشى :
— هایدى سن ده .. دیدی .. اویومقمی ؟ ..

سود وتره یاغی بیتدی ، سیخاره لرینی طوتوشدیردیلر ؛
رضا ساعتنه باقهرق :

— ساعت اونبره گلش ؛ بن کجیکه جکم ، هایدى بنم
صقاللی عاشقم ! عشقکه موفقیت تمنی ایدرم .
دیدى وسودجینک اوکنده آیریلدیلر .

مولاتییه یی بیلیرسکز دکلې ؟ بونمارشه نك قارشيسنده کی
پولونیا سوقاغنک تام گوشه سنه دوشر .. پاسته جی دکانندن
باشقه برشنه بکزه مز ، فقط اونى بیلنلر ایچین اورادن ائی ،

اورادن مناسب بر محل انتظار یوقدر ... اونك ایچین سعدیه
 بونی ترحیح ایتشدی .. رمزی مولاتیه نك قاپوسندن کیردیکی
 زمان اونبر بچق اولیشدی .. بك اوغلی جاده سنده اوپله
 زمانلرینه مخصوص بر تنهالق کوزه چاریوردی ، رمزی
 ایچرییه ، تا کوشه ده کی ماصه لرك بریسنه اوتوردی ، سروانتك
 کتیردیکی پاسته لری یاواش ، یاواش ییه رك ذهناً مشغول بر -
 حاده دیشاری بی سیر ایتیه باشلادی ..

یاربی دییوردی .. بوقادین نرهدن رهگذاریمه چیقدی ؟
 نرهدن حیاته انكل اولدی ؟ . برتصادف .. برتصادف

نه بحر انلر ایجاد ایتدی ..

لكن نه قدر ظریف ، نه قدر شیق .. حسن دلاویزینك
 اعماقده شوخینك بوتون نکات دقیقه سی ، عشوه سینك هر
 معنای جوشا جوسی وار ... اووخ ! اکر آلداتماسه .. سوزنده
 ثبات ایتسه ... رمزی بوتخیلات ایچنده مشغول ایکن زورق
 آمالنی دها باشقه جهتلره سوروكله یور ؛ یالکنز اونكله
 یاشامق ، اونكله مشغول اولمق امللریله چیرپینور ! اونی
 کویده کی اوینه کوتوریور ، اوراده برحیات آسوده یاشایورلر ،
 قیر تنزهلرینه چیققلری زمان اوکا شعرلر اوقویور ، اونك
 شعرلرینی دیکله یور ، والحاصل بو حیات شعر وغرام ایچنده

سربسر ذوق اوله رق ، ابدیتلره قدر امتداد ایتک خاصه سنه
 مالک بر عشقله یاشایورلردی ... خولالرینک کذارش صامتنی ،
 دکانه کیرن ایکی قادین اخلال ایتدی ؛ بونلر ایجری یه کیرنجه
 قاصه نك اوکنده کی قادیندن بر اسم صور دیلر ، قادین هنوز
 کلمدیکنی سویلش اولملیکه : خانملر پچه لرینی آچهرق دکانک
 اوستنده قسم خصوصیه چیق دیلر و اوتوردقلری زمان
 بيله که ورهك ، طیندار قهقهه لر ی رمزی یی ازعاج ای دی یوردی .
 پاسته جینک ساعتی اوز ایکی یی وور میشدی ؛ رمزی صقالنی
 دوزله ته رك جان صیقینتییسی هجوملرینی سیغاره دومانلریله
 داغیتمقله مشغول ایکن جاده نك طاشلرینی سو کرجه سنه
 کلن بر آرابه نك بر دنبره قاپونک اوکنده دوردیغنی کورونجه بائنی
 قالدیردی .

دقتله باقنجه سیاه قره پ دوشن چارشافنک تموج حریر یسی
 آلتنده کی وجودك ، حقیف پچه نك کیزله دیکی سیمانک کیم
 اولدیغنی آکلادی و عصیتنده مدھش برضعف ورعشه حس
 ایتدی ..

سعدیه قاپودن کیرنجه ، قاصه ده کی ذدین اونی آشنا برسلامه
 قارشیلادی . شمسیه سنی باستون کی قولالانه رق ایلریله دی ،
 رمزی یه یاقلاشدی ،

— وعد کزده ثباتکار سکز ؛ تشکر ایدرم ، فقط

یوقارییه چیقسهق ، یوقاریکی اودالرده دهاسر بست
قونوشورز ..

رمزی سکوت ایچنده باشنی اوکنه اکدی .. باستوتنی
النه آلهرق مردیونی چیقان سعدیهیی تعقیب ایتدی .

غارسونلق وظیفهسنی کورن کنج قادین ، اوافق براودا
قاپوسی آچدی . وبرطباق قایسی شکرلهمهسی امرینه قارشی
ایکیسنی ده یالکنز براقهرق قاپوی قاپادی .

سعدیه یچهسنی قالدیرمش ، حقیف برسورمه ایله محاط
کوزلرندن مشعشع برابتمام کوستردک اوکا صوریوردی .
— بوکون غزتهیه کیتیمیه جکمیسکنز ؟

— خایر .. سزدن آیریلق قورقولری بنی اورایه کیتمکدن

منع ایتدی .

— پکی یاریکی غزتهده مقاله کنز کورولمزسه قارئلریکنزی

بومحرومیتدن دولایی محزون ایتمش اولمازمیسکنز ؟

— یارین ایچین یازی بولنور ، فقط قارئلرمدن زیاده

سزه محتاجم .

سعدیه چانطهسندن چیقاردیغی قوطودن اینجه برخانم

سیغاردسی طوتوشدیرهرق :

— بویوک لطف .. بنده کندیمی ؛ سزک کبی عالی قلم

بر محررله کوردیکم ایچین بختیار عد ایدرم . یازیلریکزه
او قدر مشتاق ایدم که ...

رمزی تعجبله صورتی :

— تحف .. ظریف برقارنهیه مالکشم ؛ عجا هانکی
اثریمی ، هانکی ناچیز وصاچه یازی بی بکندیکز ؛
سعدیه بر آزدوشوته رک جواب ویردی .

— شی .. شوقانی حکایه کز ، « اتخار » یکز .. بن
بونک قدر حسی طیرماقلایان ، روحی قورقوتان بر اثر
کورمدم ..

— کاشکه او قومه سهیدیکز ..

— نیچین ؟ سبب ؟ .

— ذوق روحکزی اینجیتیر ، سزی قورقوتور ،
حسکزده ، بر طوفان هراس او یاندریر .. حالوکه سز بونلره
مقابل شن ، شوخ مستی رفزا یازیلر او قومالیسکز ؛ بنم فکرجه
کوزل یوزلر ، پرستش اولنه جق سیالر ؛ بدین یازیلری
او قومقدن قورقمالی واونلردن قاچمالی ، چونکه اونلرک ظلال
اظلامی کوزل یوزلرده کدر ایزلری براقیر ، روحلرینک
آسمان اذواقنی بایقوش قانادرینک ضرباتنه مستحق ایدر ..
قادین طباقده شکرله مهلری یرکن قارشیسنده متصل سویلیهن

بو خطیب فلسفی دیکه یوردی وسوزك فاصله سنده بردنبره دیدی که :

— بحثمزك جدیدلشدی؛ مجرای مباحثه یی دكیشدیرسهك .
 — امر ایدرسكز .. فقط حضور حسنكزده اوقدر
 آچیق وشوخ بر بحثه كیرمك جسارتی اکتساب ایده میورم .
 — فكرتك رباب شكسته سنده کی «سها» یه بکزه یورسكز .
 — عفو ایدرسكز .. اونك قدر روحانیتپرست دكلم ،
 مثلاً ، دوداقلریكزك سرخی شوح ومستثانه سنه بر بوسه
 اتحاف ایتمزسه م ، یناقلریكزك حریری صفحه سندن ذوقچین
 اولمازسه م ، سزی بر پارچه صیقیشدیرمازسه م .. ایشته اوزمان
 سهایه بکزه مش اولورم ..

— او یله ایسه تشیهده کی خطامی عفو ابدیکز ...
 — نه ضرری وار .. زواللی سها ، پرورینك قارشیسنده
 یالکز بر عشق فلاطونی هیکلی کبی قالمشدی ، او بنم کبی
 سزی بر آ ز خیر پالامق حس مادیسنی بیله دویمامشدی ..
 حال بوکه بن ..

رمزی سوزینی اکمال ایتمدن اکیلدی ، قارشوسنده
 عمیق بر ذوق مستثنا الهام ایتمکده اولان دوداقلره حارچالاک
 بر بوسه براقدی ، قادین کولومسیهرك :

— چو جقلق ایییورز ! دیدی و صوکره اکال ایتدی :

اقشامه قدر بوراده پانه جق دکنز یا ! برازده چیقلم ..

رمزی ، رحیق اب کلکونک مستی نوشینیه متحیر برحالد

صوردی :

— نردیه ... :

— ایلک او بکده بازار آلمانه اوغرایه جقم ، بسض شیلر

آله جقم ، اکر روقتمی قبول ای رسه کنز ...

— باش اوسته .. صکره ...

— آ یاس آغا چفتلکنه کیده رز، اورانک اداافت طبعیه سته

پک حیرانم ..

اوکاده باش اوسته ! دها صوکره ...

— دها صوکره می ...

سعدیه ؛ اوفق بر قوتقه یی - وداقلرینک آراسنده بوغدی

یلپازه سیله اوینایه رق :

— دها صوکره .. دیدی .. سره پک فنا یازیلش

شعرلرمله ، ضعیف یازمقلریه ن طوتدینی مضرا بدن یاغان

فریادلری دیکلته جکم ..

ایکیسی ده جیتدیلر ؛ حالا سوردقلری آدمی بکله یی ایکی

نازینین قهقهه لرله قونوشیورلردی ، پاسته جینک وپوسنده کی آرابه

ایکیسنى ده آغوشنه آلدی .. رمزى ياننده كى وجود عشوه كاردن
اخذ حرارت ایدیوردی .



« نار هجر ك آرتدبریر فریادیمی »

« سندن آرتق الله آلسون دادیمی ... »

عودك تللرندن چیقان صدای طنانه رفاقت ایدن ، بللوری
بر قادین سسی ، سعادیه نك سسی ، قونیاق قدح لرینك
ویردیكى نشوؤ مسكرله قاناپه نك اوزرینه اوزانان رمزى یی
بوسبتون سرخوش ایدیوردی .

کنج قادین ! بو شرقی یی سویلرکن و مضرابنك ضرباتی
آلتنده تللری تهزیز ایدرکن غائبده بر شخصه :

سندن آرتق الله آلسون دادیمی

دیور وقلبنده کیزلی ماتملری آنجق بویله نغمات موسیقی

ایله افهام ایده بیلوردی ..

سندن آرتق الله آلسون دادیمی ..

رمزی بردنبره قاناپه دن دوغروله رق صورتی .

— دادیکز کیمدن آلینه حق ؟

سعدیه عودینی بر طرفه براقه رق :

— هیچ کیمسه دن دکل .. بو بر شرقی ..

— اوت بر شرقی .. فقط سزك او قدر آشنای حسیاتکز

اولان بر شرقی که ...

— احتمال ...

قادین باشقه بر جواب ویرمدی ، اوافق ماصه نك اوستنده

منتظر سرشار اوله رق دوران ایکی قدحی دولدیردی ورمزینک

یانه اوتوره رق :

— بنم ماضیم ایله او قدر چوق اوغراشمايیکز ، دیدی

وبر آز صکره علاوه ایتدی : — بلکه بعض صحنه لری سزه

رومان زمینلری حاضرلار !

رمزی :

— ماضیکزله اوغراشقمی ؟ بن حال تزیهیکزله

اوغراشیرسمده موافق منطق برایش ایشله مش اولمازمیم

— بلکه ...

— بلکه دکل حقیقت !. ایشته باقیکنز .. کشاده سینه کنز

بوی بهشتی سی بنی نه قدر غشی ایدیور ..

— عجائب ؛ سز حلجان آلور سینه ده بر لطافتی

بولیورسکنز ؟ .

رمزی ؛ مستغنی بر طورله قاناپه نک مندرینه دایانه رق

سیفاره سنک دومانلرینی اوفله ین سعدیه یه صاریلدی :

— یالکنز بو حلجان آلود سینه لطیف دکل ، اوسینه نک

سینه حار و مشفقه التجا ایدن طومبوللرده بنی چیلدیرتیور...

اگر مساعده ایتسه یدیکز بو طومبوللرک نرم و نازک یاصدیقلرنده

برایکی ثانیه لک بروقعۀ سکون کچیرسیه یدم ...

قادین کوله رک صورددی :

— صقالکنز اونلری راحتسز ایتزمی ؟

— اونی سز کندیلرینه صورارسکنز ؛ مساعده ایدرلرسه ...

اوافق و آنی بر هجوم ایله باشلایان در آغوش او قدر چوق

امتداد ایتمدی ، رمزی :


— بیلسه کنز او یله بر حیات عشق و عشوه یا شاتیورسکنز که ..

دیور و کسک سسیله :

« بوقدر اوزمه ، یتر ، دفتر اعماله یاز ..

« کوزه لم طومبول الکله ینه بر طاتلی کنه ... »

بیتنی اوقویوردی .. بوراده حسن ایله شباب ، عشق ایله
هوس برلشدی ، اوزون « اووخ ... » چیرپنمه لر مدید بر
یهوشی ذوق آورله نتیجه بولدی ...





آرتق برآیدر برابر اوتورییورلردی، آرمارنده برطور
زوجیت حاصل اولمش کیدی ... مقری کوینده کی اوفاق
أوك ایچی اونك وروندن بری باشقه برشکل آلمش،
برقادین احتیاجیه قاراران بوأو؛ آرتق ائده حیات ایتمش،
قوشنه قاووشان برقفس کبی شنه نمیشدی ...
برکیجه (رباب) ی قاریشدریورلر، رمزی «نسرین» ی.
بکنیور،

«ایشته نسرین دها برغنیجه نوحنده ایکن
کچدی مقهور قضا هپ بودیکنلکاردن»
بیتنی اوقویور، سمدیه :

— یوق جانم ! دییور .. بن بونی چوق سوده رم ..
بیلر میسک سنی بر لحظه کور مسهم نه اولور ؟

آرتق بویله شعرلر ایچنده یووارلانیورلر ، شعرلر ایله
زمان کچیریورلردی ، سعدیه بردنبره دیدی که :

— ربابدن فال آچسه ق ناصل اولور ؟ ..

— هایدی آچلم ... صاعده کی سنک ، صولده کی بنم ..

سعدیه کندی شعرینی اوقویوردی ،

برلکده یتیشمش ایکی زتجه کی همسر ،

برلکده

— پکی هانی بنمکی ؟ .. (یپراقلری چویره رک) اوباق

(لیل وداع) چیقدی ،

اووخ کل روح طبیعت کی خمور و خموش

بو وفاسز کیجه نک قویننده

قاله لم بر ابدی ثانیه طالعین بیهوش ،

کیم بیلیر بلکه ده صوک لحظه سودامزدر .

بونده هر لحظه سودا ابدیت صاییلیر

رمزی ربابی الندن فیولاتدی وباغیردی :

— بن بوندن تشام ایتدم ...

— نیچین بکم ؟

— نیچین می ؟ باقسه ک آ (کیم بیلیر بلکه ده صوک لحظه

سودامزدر) دیور ، شاعر بونکله بزم آتی عشقمزی

اخطار ایتیش اولماسین

— خرافاته ده اینانیرمیسک ؟ .

— اینانمام ، فقط ملهم شعرلرک پک چوق کشف

استقبالنی کورددم ده .. اونک ایچین قورقیورم . کوزه لم ...

— رجا ایدرم ، کچ بویله شیلری ، هایدی بومهتابمزی

ساحلده کچیره لم ، مرمره یه عکس ایدن سروسیمین مهتابی

سیر ایده لم ..

ایکیسی ده قالدیلر ، اوکیجه یی ، مرمره نک قاتل سینه سنه

قارشى شعر ونشوه ایچنده کچیردیلر ..



۵

رمزی ، اوزون مقاله سنی بتیرمک اوزره ایدی ، مطبعه نک

اوشاغی النده اوفاق و ظریف برقارت دو ویزیت ایله ایچری یه

کیردی ، رمزی ، کوز کزدیردی پارشمن کاغد اوزرینه

فرانسزجه اوفاق حرفلرله « بدیع کامران » یازیلیدی ...

باشقه نه بر آدرس ، نه بر کله ، هیچ بر شی یوقدی ، اوشاغه
 صورتی :

— بونی کتیرمن آدم نروده ؟

— آ شاغی ده بکله یور اقدم ، [کندیلرینه رجا ایدرم ،

بش دقیقه اولسون کوروشمک ایستیورم] .. دیدی . غالبا
 بر اعلان یازدیرمق ایچین کلسه کرک ...

رمزی . باشنی صاللایه رق :

— پکی : دیدی ایچری یه آلسه ، بر آ زبکله سینلر ، صوکره

کوروشورز .

اوشاق چیقدی ، اوچ دقیقه صوکره مقاله نك صوڪ سطرینی
 یازه رق امضاسنی آتدی وایچریکی کوچوک اودایه دوغرو
 یورودی . اودانك قاپوسنی آچدیغی زمان اونی بکله مکده
 اولان برکنج ابله قارشى ، قارشى یه کلدی ؟

بدیع کامران بك ، پك ظریف کینمش ، بوتروورینك
 یاقه سنه اوافق بر منکشه طاقش ، آنجق یکر می یاشنده تخمین
 اولنه بیلن برکنج ایدی .

رمزی بی کورور کورمن خرمسکارانه قارشیلادی

وبردنبره :

— عفو ایدرسکنز اقدم .. دیدی .. سزی طانیمه دن ،

باخصوص بویله قیمتلی زمانکزی محو ایتک ایسته مک بویوک
بر جرأت ، فقط بو جرأتی معذور کوروکزر . .

رمزی برشی آکلامدینی حالد لاقیدانه باشنی صاللایه رق
سیغاره سنی صاووریوردی :

— استغفراه : امریکزی آکلامق سعادتنه مظهر

اوله بیلیر مییم ؟ .

کنج بدیع کامران بک : کوزلرینی یره ایندیره رک :

— مع التأسف ؛ دیدی . بوکون ، یعنی شو دقیقه ده

کوروشه میز ؛ اکر بکا اعتماد ایدوبده بو آقشام یانیه ، یاخود

توقاتلیانه کلمک اوزره سوز ویررسه کز ، سزه کوزل بررومان

همده سزه تعلق اولان بررومان آکلاته جغم . . .

— بکاعاندی ؟

-- اوت سزه شدت تعلق بولنان بررومان ؛ کله جکسکز

وعد ایدیورسکز دکللی ؟

— نرهیه ؟ بونی تصریح ایتدیکز . .

— سز نرهیه ایسترسه کز ، توقاتلیان ، لوندره ، یانی ،

لوکسمبورع . . .

— او حالد لوکسمبورغده لوقظه جهشنده ؛

— یکی . . . بن صول طرفده کی کوچوک اودانک بر

ماصه سنی آنغازه ایتدیریرم . . لکن ساعت قاچده . . .

— ساعت آلتی بچقده

— پک اعلا بنده کزی ممنون ایتدیگز ، تشکر ایدرم

پک اقدی . .

— مشرف اولدق اقدم . . اوغورلر اولسون . . .

رمزی ، کنج مسافری مردیون باشنه قدر تشیع ایتدی ،

صاحب امتیازله برابر مرتبخانه دن چیقوب ، هیئت تحریریه

اوراسنه کلن رضا ؛ رمزی ایله مسافرینی کورونجه

کولومسه دی :

— بوزوبیه نرهدن چیقدی ؛ بونی نرهدن طانیورسک ؟

رمزی اهمیتسزجه جواب ویردی . .

— هیچ ! دیدی . . بر مسئله ایچین کندیسیله کوروشمک

لازم کلدی ده اونک ایچین ؛ حتی کیم اولدیغنی بیله بیلیم

— الله ؛ الله ! شو میلیونر عبدالشکور پاشانک اوغلی

دکلی یا !

— یا ! اونک اوغلی ها ! بکا کوندردیکی قارتنده یالکز

(بدیع کامران) اسمی وار ، باشقه هیچ برشی یوق . .

رمزی آلافرانغه ساعت بشده پک اوغلنه چیقدی ،

بونمارشه یه کیردی ، یکی کتابلر آلمق ایچین برایکی کتابجی یه

اوغرا دی ، ساعت آلتی یه بشقاله لو کسمبورغک ، آغا جامعی
سوقاغی طرفنده کی قاپوسندن کیردی ، پاردەسوسنی بر اقدی ،
اوراده پک سادە دوشنمش اوافق اودا کبی بر یرده کی ماصه نک
باشنده بدیع کامران بکی بولدی ...

— سوزیکزده پک ثباتکارسکیز .. عادتا انکلیز کبی ...

— توجەکز .. لکن سز شیمیدین بیرایه باشلامشسکیز .

— طبیعی دگلی یا ! ایچمه نیجه حیاتک بوتون کدرلرینی

تضاعف ایتمش کوروپورم .

— بلکه .. فقط او قدر بویوک کدرلره اوغرایه جق

درجه ده حیات ایله چارپیشمادیغکیزی ظن ایدرم .

— کوروشه جکز ، اوزمان آ کلارسکیز .. طبیعی بیرا

ایچه جکسکیز دگلی ؟ اعلا موغنه ن ...

— تشکر ایدرم بر ایکی بارداق .. صوکره یمک ییه مم .

ایکیسی ده تعاطی اقداح ایتدیلر ، کنج بدیع کامران بک

سویله جکی سوزلری ذهنده ترتیب ایدیوردی آرتق یمکه

باشلامشلر ، شراب قدح لرینی دولدیرمشلردی . رمزی .

بردنبره دیدی که :

— اصل مقصده کاهم ... دعوتکیزک اسبابانی

آ کلامیه جقمی یم ؟ .

— طبیعی افدم .. داتا اونک ایچین برلشمشدک ..

دلیقانی سوزینی ینه کسه رك قدحك بقیه سنی بیتیدی ..
برا کسترا سیغاره یقارق :

— اولا ! دیدی ... سزدن رجا ایده جکم ، بنی عفو
ایده جکسکز ؛ چونکه سز بنم خصوصیتی دها بیلمیورسکز
حالبوکه بن پردلی یم .. خاطر کزده بولنق لازم که بر دلی ایله
قارشی قارشیه بولمیورسکز ..

— بردلی ایله می ، اوحالده ..

— خایر ... او یله بر دلی که یالکز کنیسنه منحصر
برجنتله چیلدیریور ، وخارجیه هیچ دوقونمیور ، یالکز کنی
دماغنی تخریب ایدیور .. شیمدی دیکله ییکز بك افندی ..
بن بویله بر مریضم ... و سزه مراجعتك اسبابی ده
برقادین ...

— برقادین می ؟

— اوت اوده کی متره سکز ! .. یعنی بنم اولکی قاریم ..

— بنم متره سم ، سزك قاریکزی می ؟

— اولکی قاریم بوشادم ، بوکون آره مزده اوافق بریاشنده بر

ارکك چوجغندن باشقه مادی برشی یوق ! هیچ بر رابطه
یوق .. لکن اونك خیال عشوه سی ، خیال خیساتی بنی
اولدیریور . اونی بویله هر کسك قوجاغنده ، هر کسك قادینی

اوله رق کوردکجه چیلدیریورم ؛ و ذاتاً چیلدیردم .. سببده
اواولدی .

ایکیسی ده صوصدیلر ؛ بدیع بک حقیقه چیلدیرمش
کییدی ، اوزون وقعه مشوشه قارشیسنده کبی دوشونیوردی .
رمزی ؛ دهها زیاده معذب ، دهها زیاده متردد برحاله
سودیکی قادینک سابق قوجه سنک قارشیسنده اوزون بروقه
استغراقده ایدی .

بدیع بک تیترهک سسی ینه دویولدی .

— بیلورمیسکز .. برسنه دنبری بربریمزله آیری یز ؛
اونی سودم ، آلم . حسنک اک مهوت برحیرانی قالمشدم ؛
ینه ده اويله .. اوندن آیریلقله اوتی سومکدن آیریلامم ، حالا
عینی شدتله سویورم ، فقط آره مزده براشمک ایچین اوقدر
بیوک مانعهلر وارکه ..

رمزی صوردی :

— نه کبی مانعهلر ؟ .

— ناموس .. بیلورمیسکز ؛ بوقادین اصالتیه برابر
چرکابک قعربده ، کردابک اک مدهش دالغهلری ، اک
ئولدیریجی آنافورلری آره سنده ... کندی نامنی تلویث
ایتمکله قالمادی ، بنم ناممده برشائبه ذل ودنائت سورمک

ایستدی ، احتمال شیمدی هر یرده اونك رزالتندن بحث
ایتدکلی زمان بنی ده آنیورلر ، بنم آدیمی اونکله برابر
سویلیورلردر .

سزه مراجعتك اسبابنه کنبجه : بریچق آیدنبری بریره
چکیلدیکنی خبر آلام ؛ حالبوکه اسکیدن هر کون تپیه کلیردی ،
بنده اوراده اونك آلام هجرانیله ، مجبوری فرقتك آجیلریله
قیوریلیرکن اوکمدن کچر حسنیله بنی تطیب ایدر ، خاطراتیله
اعزاز ایدر ، کوزلرینك باران ایتسامیله بوخسته هجرانه بر آاز
دوا ، بر آاز تسلیت ویریردی .. حالبوکه بریچق آیدر
بوسبوتون دواسز براقدی ، شیمدی جنت افتراقی بنی باشقه
جهنملره سوروکلهور .. سزدن رجا ایده جکم .. اوئی برکون
کورهیم ..

رمزییه بوطلب بر آاز ، بر آاز دکل پک زیاده غریب
کورونمش اوللی که قارشیسنده (دلیم !) دین وهرسوزینی
عادتا مسترحمانه برطرزده سویلین دلیقانیلییه باقدی :

— ناصلی ! دیدی .. نرده کوره جکسکز ..

سزده اولورسه ، اولسون .. تپهده ، کویکزده ، تا
اوزاقدن کچسین ، یالکز کوزلرینك انعطافی کوره بیلسهم ..
یدیع کامران بك صوصدی ، رمزی متصل دوشونیوردی ،

شرابك تأثیریله بر آز قیرمیزیلاشان کوزلرنده شمشکله
اوینایوردی ..

بدیع کامران بك رمزی یه بر آزاکیله رك فیصیلدادی :
— سزه برشی سویلیه جکم؛ فقط کیسه یه سویلیه جککزه
امین اوله بیلیرمی یم ..

— سزی وجدانمله تأمین ایدرم ..
— عزیزم ! بن بوقادینی حالا سوییورم ، فقط اوکا
یاقلاشمق ، اونی آلق بنم یداختیارمده دکل .. بو عشق بنی
چیلدیرتیور ، وبوافراق مجبوری بکا مدهش بر وقعه
یادیره جق ..

— ناصل وقعه ؟ یوقسه بر جنایتی ؟ .
— خایر .. بن باشقه وجودلره قصد ایده جک درجه ده
ردائت اخلاقیه یه مالک دکل ..

— اویله ایسه کندیکنز یازیق ایده جکسکنز . حالبوکه بودها
فنا .. باقیکنز بوکون کنجسکنز ؛ ثروتکنزك مقصدارینی
بیلمز سه مده اُپی بریکون طوتدیغنی ظن ایدرم ، حیاتک بویله
اک کوزل برزماننده ، نائل رفاه دادن اولمشکن بویله حیاتکنزه
قصد ایتک ..

— برکون اوله جق کوره جکسکنز .. فقط اونی کوردکن

صوکره اوئی بردفعه کورده جکم ، اوسیاہ کیرپیکلی کوزلرک
 باران ایتساماتندن برآز استفاده اوندن صوکره ٹوله جک
 اولورسہم فریخ ، مخور ، مستریخ ٹولورم .. یالکز سزه رجا
 ایدیورم ، بنی بوفکردن واز کچیرہ مزسکز ، بونک ایچین
 نافله اوشمایکز . فقط بردفعه اولسون اوئی کورمک سعادتتی
 اولسون بندن قیصقائمايکز ..

رمزی ؛ حقیقہ بردلی قارشیسندہ بولندیغنی آ کلايور
 وبودلی عزمندہ او قدر مصر ، او قدر معند کورونیوردی کہ
 یاقیندہ بوتون عزمنی اورتہیہ قویہ جق کیدی .
 اوتہ کی النده صویدیغنی ألمای ییہرک ؛

— سزدن جواب بکلیورم رمزی بک افندی ! دیہرک
 رمزینک کوزلرینہ باقیوردی ..
 رمزی :

— پک اعلا ! دیدی .. جمعه کونی هایلایفده بکلییکز
 اورادن کچر ، کورورسکز ..
 — سزه پک بویوک تشکر ایدرم ؛ بنی نہایت درجہ دم
 غریق مسرت ایتدیکز ..

یمکلیریندی ، اوستہ لیکورلر ایچیلدی .. بدیع کامران
 پک :

— ساعت طقوزه کلیور ؛ اگر کیتسک ایسترسه کز
پاریزیا نایه کیده لم ..

— یکی مع الممنونیه ..
او کیجه صباحه قدر رمزی بدیع کامران بکک پچه سندن
قورتیه مدی .. و بدیع کامران بکک جنتی بر آ ز کسب
سکون ایتشه بکزه یوردی ...

— ۶ —

رمزی سعدیه یه هیچ بر شی آچه دی جمعه کونی اولنجه
صباحلین دیدی که :

— بو کون تپه یه کیتسه ک ناصل اولور ؟

— صاحی او قدر ائی دوشوندیکز که بر آی اولدی

اورایه کیندیکمز یوقدی ، او یله ایسه حاضر لانه ایم ...

— یمک ییه لم صوکره اون قرق طقوز تره نیله اینرز ...

بمکله علی العجله یندی ، تره نه کوچ حال ایله یتیشه

بیله یلر ؛

سرکه جی یه کلدکاری زمان رمزی سعدیه یه دیدی که :

— مطبعه یه قدر کیتسه کده رضایه بعض سیار شلرم وار

اونلری اصمار لاسه م .

— پکی ...

ایکیسی ده مطبعه یه کیردیلر ؛ رضا ارقداشندن آلدیغی یازیلر باقهرق سه یلنن سوزلری دیکله دی .. صوکره کوپرویه دوغرو یورومه یه باشلادیلر .

تونلنن چیققدقلری وقت هر وقت اونلری طاشییان آرابه جی آتلك قوشوملرینی دوزلتمکله مشغول ایدی ، رمزی پی کورونجه کولومسه یه رك بیکیرلرك اوستنده کی فانیله لری قالدیردی . ایکیسی ده بئیدیلر ، بویوک ، یوکسک حیوانلرك نعلارندن چیقان معدنی سسلر قالدیریملرك غرانیت طاشلرینی چاتلاتیوردی . بك اوغلی جاده سنده جویلتیلی بر غلبه لق واردی ، بونمارشه یه کیرن چیقان هر کسك النده بر دمت چیچك کورونیوردی .

علطه سراینك ایلروسنده ، طوقاتلیانك اوکنده کورولتیلری کنج کومه لری تقسیمه دوغرو یورویورلردی ، اوده ٹونك یاننده کی پاسته جی ماصه لرینی طیشاری یه چیقاره رق یاغخانه سوقاغنه دوغرو صیرالامشدی ...

سعدیه دییوردی که :

— اووح .. ائی ایتدك رمزی .. اکر ایسترسهك آ یاس آغایه قدر کیده لم ..

— آياس آغايه مى ؟. تذكر خاطرات ايچنى ؟

— نه دىرسهك دى .. آمان تقسيم باغچهسنة كيدن

مادمازللره باق .

حقيقه او قدر كوزل كينمش ، او قدر شيعه مادمازللر

واردى كه البسهلرلى عادتاً بر چيچك دمتنه بگزه يوردى ،

مكتب حربيه يي كچهرك عثمان بك غازينوسنه ياقلاشدقلىرى

زمان رمزى مترهسنة ديدى كه :

— شورادهكى پاسته جیدن بر آز فوندان وياخود پاسته

آلسهم ...

— پك ائى ايدرسهك .. باخصوص آرمود شكرله مەسى .

بوروشوق يوزلى برسوقاق اوروسپوسى منظرهسى عرض

ايدن عثمان بك غازينوسنى كچديلر ورمزى آرابه جيه ديدى كه :

— آزيچق غازيونك اوكنده دور ..

آرابه غازيونك اوكنده دوردى ، پارلاق جاملك

آرقهسنده اوتورانلر فرق ايدىليوردى ، لكن رمزى قويا

حكم ايتدى كه : بديع كامران بك ايچرى ده در .

رمزى آرابه دن ايندى ، پاسته جيه كيردى ، اوراده

پارلاق بويوك جاملك آرقهسنده ، پيراي شيشهسنة باشنده

بديع بكى كوردى ؛ بديع بك برشى بيلميورمش كى

داورانيوردي ، حقيقةً سعيدي دهه كورمه ميشدي ؛
رمزي به صوردي :

— اوراده دگلي ؟

— اوت ...

رمزي فوندان ، پسته آلدی ، پاكتلری انه آلدی
ديشاري به چيقدی ، سعيدي اونك كچيكدیكنی ظن ایدرك
آرابه دن اكيلهرك دقتله باقايه باشلادی ، بواثناده مدهش
برسلاج سسی اورتهلغی صارصدی ، بديع كامران بكدن
باشقه مشتری بولنميان پسته جي دكاننك ايچنده برتلاش وقوعه
كلدی ، رمزي كوچ حال ايله كنديسني آرابه به آتدی ،
سعيدي صوردي :

— نه اولدی ؟ اوسلاج سسی نه ایدی ؟

— بيلمورم ، پسته جيده برشی اولدی ، معلوماتم يوق ،

— لکن بکزك چوق فنا صارارمش .. نه اولدك ؟

— برشی يوق ديورم ..

آرابه دهه حرکت ايمه دن قوشوشان پوليسلر پسته جي

دكانندن ديشاري به نيم مرده بروجود چيقارديلر ، قان ايچنده

قيپ قيرمیزی كسيلن يوزی ، سياسنی ، شكلي بوسبوتون

تخريف و تخريب ايتيشدی ..

سعدیه و رمزی الاریله یوزلرینی اورتدیلر .. لکن رمزی
 حیات ایله آنجق ایکی اوچ دقیقه سی قالان بو کنج قفانک ،
 سونمه یه باشلایان کوزلرنده مدید بر علامت غیظ و کین کوردی :
 کویا قورشونک خراب ایتدیکی بونازک باش دیوردی که :
 — او قادین نی ئولدیردی ، پارماقلریمه بوقوتی ویرن
 روولورک تیکنی بکا چکدیرن او قادین ! . بن بو خرقت
 مجبورینک ، هجران آلامسوزک دردلرینی ، آجیلرینی
 صیجاقلقلرینی آنجق بر قورشونله اویوتدم . سنده کندینی
 قورو ...

اوکون رمزی مدهش بر عذاب ایچنده تنزه ایتدی ،
 سعدیه اوکا کدرینک حقیقتنی صوریوردی ... رمزی
 دیدی که :

— یارین ، اوافق بر جنایتکک نتیجه قهارینی غزته
 صحیفه لرنده کوره رسک ... اوراده بیتنی داغیته رق ئوله ن آدم
 قوجه کدی !

۲۸ کانون ثانی سنه ۳۲۷ آقسرائی — سودی

صوک

« مہر بان » نامندہ کی ملی و ادبی رومان پنجشنبہ

کونی نشر اولنہ جقدر .

جمعیت کتب خانہ سی طرفدن او کمزده کی پنجشنبہ کونندن
اعتباراً جنایات قوللکسیون، نامی آلتندہ ملی و جنائی اسرار
انکیز رومانلردن متشکل بر قوللکسیون نشرینہ باشلانہ جقدر .

محرر لری

مورہ لی زادہ : وصاف قدری قریملی : س. سودی

برنجی کتاب : قانلی پری .

ایکسجی « : قرده جادی .

اوچنجی « : سیاه پنچہ .

دردنجی « : آنی فلاکت .

بشنجی « : کور و لمہ مش بر عشق .

مراق آور و ہیجان آمیز حکایہ لردن متشکل بو قوللکسیون
قارئلر مزہ شیمدیدن توصیه ایدہرز مجموع قوللکسیون (۲۰)
کتابدن متشکل اولہ جقدر . کتب خانہ من شمدی یہ قدر بودرجه
مہم و جنائی رومانلر هنوز نشر ایتہ مشدر . بو خصوصہ
قارئلر یزی صوگ درجہ ده ممنون ایدہ جکمزی امید ایدرز .


کتابخانه مزده بولان کتابلردن بعضیلری :

پاره غروش	پاره غروش
۲۰ ۲ منرار ایچنده برزفاف	۲۰ قاپیتان میشل ژده واقو
۲۰ ۲ زینت نسوان	۲۰ فاوستا » »
۲۰ ۲ تلفونله معاشقه	۱۶ مغلوب فاوستا
۲۰ ۲ سوکیلده یاز ورم	۱۰ ۱ وطن منظومه سی نامق کال
۲ » » ذیلی	۲۰ ۱ صباح قهودسی اوغلونک
۲ مادموازل آنزل	قلاغوزی
۱۰ ۱ شفیه	۲ مترس حیات
۱۰ ۱ ساجده	۲ عاشقانه مکتوبلر
۲ بلقیس	۲ وقتسز آچیلمش بر قیز
۱۰ ۱ بدیعہ بهر کتاب	۴ زیمان
۲ لامعه	۵ ملاح
۳ ژابونیا تاریخ سیاسی	۲۰ ۷ یتاقده
۱۰ ۱ سوکیلده بر کیجه	۵ یاقیچی قادین
۱۲ انکیزیسیون اسراری	۱۰ شادیه مجلد
یکرمی تابلوایله مزیندر	۴ خدمتچی بلاسی
۵ ناقوس عدم	۱۰ ۱ چلنکرك اسراری
۱۰ ۱ بیضاء	۱۰ ۱ شفیه نک ندامتی
۱۰ ۱ سفیه	۱ قاتلرک صالونی
۱۰ صفحات	

جنایات قولکسیونی

صباح غزته سی هیئت تحریریه سی طرفندن قلمه آلنان ۳۱ عدد
صراق آور و هیجان آمیز حکایه لردن متشکدر. قیش کیجه لری خوشیجه
چکیرمک ایسته ین محترم قارئلر مزه توصیه ایدرز. بهر کتاب ۱ غروش
تکمیلی ۳۰ غروشدر.

MAIN STACKS



PL248
K48S32
1914